

新修曲沃縣志

知曲沃縣事前翰林院庶吉士武威張兆衡纂輯

山川沃衍物產華滋惜其地利審其土宜不村之語疑以傳疑憂深思遠請敵風詩倣唐沈瑩臨海風土志而一方之物產附焉志風俗第十

風俗

前志採史傳詩序中言唐晉者概行闌入實於曲沃無與也况彼此不同古今異宜是尤在上之導化何

如耳因著行於今者

寓規諷焉亦史例也

新修曲沃縣志

卷之十

風俗

十九

趙彥復沃史士恂恂禮法矜談氣節卽人不盡然亦善鈞從衆民樸直急公貢賦不敢後而土狹人滿每挾貲走四方所至多流寓焉

前志言士習矜廉恥崇禮讓人知自愛搢紳士大夫尤以謙和儉樸相尚憂深思遠蓋陶唐氏之遺風至今猶存也  
前志言民風奉上急公畏官守灋每際徵收片檄纔下咄嗟而辦若利之所在趨之如鶩服費而走四方者踵相接焉則固土狹人滿恒產不贍之所致也

冠禮

冠者禮之始也故冠於阼以著代也醮於客位三加彌尊加有成也已冠而字之成人之道也沃史言前明時猶有行之者今則此禮不見於世久矣亦不獨沃然也

### 昏禮

昏禮者將合二姓之好上以事宗廟而下以繼禋祀也今問名納采納吉納徵以及親迎諸禮人皆行之惟聘婦必備財禮嫁女多資厚奩貧富相形怨曠不少且指腹割衿喪娶冥配空房亂倫瀆禮載在令甲司風教者盍加之意乎

### 喪禮

## 新修曲沃縣志

### 卷之十

風俗

二十一

沃史言衣衾未備先慮延賓官槨不完首籌散孝筵宴競一時之盛繁文列數里而遙甚且飯僧佞佛奏樂陳伎名爲辭靈少有未備輒爾停柩昔魏晉之制祖父母未葬者不聽服官而循禁武康厚葬顏真卿劾鄭延祚停喪載在史冊善乎皇甫篤終論曰先王之制喪禮始死而襲襲而殮三日而殯殯而葬具其葬也貴賤有時天子七月諸侯五月大夫三月士踰月先時而葬者謂之得葬後時而葬者謂之怠葬其自襲而殮殮而殯自殯而葬中間皆不治他事各視其力日夕拮据以爲所以計安親體者至葬而後已也襲也殮也殯也皆以成乎葬

也殯則不可不葬猶之襲則不可不殮殮則不可不殯相待而爲始終者也故不可以他事間也且殯者必於客位所以賔之也所以漸卽乎遠也殯而不葬是使親退而不得返於寢進而不得卽於墓不猶之客而未得歸歸而未得至者與此亦人事之至難安而人子之大不忍者矣古之人不幸有故有不得葬其親者矣雖踰三年不除服其心所痛在於未葬蓋喪之卽吉始於虞而成於禫虞之爲禮起於旣葬送形而往迎精而還故虞以安之未葬則無所爲虞不虞則不得卒哭而祔旣未行卒哭於祔之禮又何爲而可以練何爲而可以祥且禫故雖踰三

年而不得除也後之以禮治人者編爲令甲但使未葬其親之子若孫衣服衰麻選人不許注官士人不許赴舉則此風庶幾乎革矣

### 祭禮

禮有五經莫重於祭今祠堂之設惟士大夫家有之餘多從中庭內寢設主奉獻朔望而外恒致謹於生忌至於墓祭則於七月望日三月寒食十月朔日歲凡數舉焉若品物之豐儉拜獻之疎數各存乎人不必盡同也

### 節序賽社

正月元旦祀天地祀神祀祖先家衆以次稱壽既出拜師長親友互相慶迺會賓立春先一日迎芒神於東郊遠近競看土牛將以占歲之水旱人之苦樂元宵駕鰲山張綵燈鼓吹連夜然以繡綵而爲華礮輒費中人之產飾閨女而登抬閣亦爲大雅所嗤物可殄乎風之靡也此則與地方有識之士所當以次而漸除歟二十日煎餅填倉不張燈爲鼠忌也

二三月春分釀酒醋封墓楮錢祭奠清明挿柳踏青放風鳶樹鞦韆二十一日游景明穀雨禁蝎

四月朔日貼畫牛簪皂角葉以釀瘟十八日商賈集城中貿易

新修曲沃縣志

卷之十

風俗

一一二一

禱賽

五月端陽懸艾虎貼門符釀角黍佩菖蒲飲雄黃酒小兒繫五色絲

六月六日曝衣造麩二十四日陌頭挂楮錢

七月七夕乞巧望日薦麻穀拜墓

八月中秋夜列瓜果月餅酒肴男女望月羅拜已而劇飲以陰晴卜來年上元

九月重陽登高食羔

十月朔日祭墓送寒衣

十一月長至窺日影祀先

十二月八日啜臘粥二十三日祀竈逾日掃舍宇除夕易門神  
桃符更春帖婚嫁無忌老幼團飲名曰守歲

物產

周禮河內惟冀州其利松柏其畜惟牛羊其穀宜黍稷

前漢志絳山舊產銅鈔

按鑛古文作𠂔周禮𠂔人借𠂔為鑛字說文鑛或作𠂔蓋依周禮讀也古文亦

作鈔毛詩總角𠂔兮古患切音貫在去聲練韻可知鈔字從𠂔本形聲字讀為拱者轉音也

唐書土貢白穀梁米梨墨蠟燭防風

地理志絳州曲沃縣絳山產銅

新修曲沃縣志

卷之十

物產

一二十三

宋史土貢防風蠟燭墨

元史至正五年立提舉平陽等路銅冶官

通志曲沃紫金山舊產銅

按田六善疏稱臣聞山西之絳縣曲沃垣曲夏縣乃太行山西南一帶皆

有銅但山內之物時有時無宜任民採取有稅之無聽之又聞銘出山西亦時有時無所出州縣照銅收稅可資鼓鑄之用等語按古人銅鐵鉛錫皆稱金不必曰金為銅毋曲為附會也

穀屬

稷

一名稌呂氏春秋飯之美者有陽山之稌高誘曰關西謂之麩說文麩稌也視粟而巨光滑過之爾雅翼稷者五穀之長

黍

苗穗胥似稷而大實圓重李時珍曰黍稷一類而二種黏者為黍不黏者為稷今通稱黍子不復知為稷矣有黃白赤黑

四種胥可釀酒

梁 今通名穀脫殼為粟米古者以粟為黍稷粟林總稱而今之

秫 穀之黏者爾雅釋草衆秫疏衆一名秫有黃黑紅三種胥可釀酒

稻 爾雅翼一名秣稻有稞糯二種

麥 有大麥小麥蕎麥三種大麥有露仁不露仁諸種小麥有火麥紅白諸種蕎麥有紅黑斑諸種

豆 即菽也有黑菽黃豌豆扁小白八種

高粱 一名稻秫種來自蜀又名蜀秫有紅黑黃白蓬頭諸種

大麻 色蒼而圓可榨油

芝麻 色白李時珍曰白油麻秋開白花亦有帶紫艷者或名胡麻非一種

泉貨屬

新修曲沃縣志

卷之十 物產

一二十四

棉花 有紫白二種

麻 椒 蜜 蠟

蔬屬

韭 葱 蒜 薤 莧 有紅白紫三種又芥

茄 藕 菠薐 蔓菁 一名蕪菁一名諸蘿葡 凡三種

胡蘿蔔 有黃赤二種 苘蒿 高笋 白菜 芫荽 蒼蓬

萑苳 山藥 莫 魏風彼汾沮洳言采其莫傳莫菜也

醴屬

春酒 凍醪也豆麴稻粥立冬封缸 清酒 色如琥珀甘冽清香

黃酒 棗酒

瓜屬

東瓜 西瓜 南瓜 北瓜 王瓜 黃瓜

金瓜 酥瓜 脆瓜 葫蘆 香瓜 匏瓜匏瓠也瓜屬壳

可為笙竽今曲沃故城旁韓村楊村出者獨佳古今注有柄曰匏可為笙曲沃者尤善故匏八音之一也爾雅大笙謂之簧郭璞曰列管匏中施簧管端晉潘岳笙賦曰河汾之寶有曲沃之懸匏焉鄒魯之珍有汶陽之孤篠焉陳氏樂書曰古者造笙以曲沃之匏汶陽之篠列管匏中而施簧管端則美在其中鐘而為宮蓋所以道達冲氣律中大簇立春之音也漢魏以前曲沃歲貢懸匏後南北分朝世遂以木斗攢竹矣今十七管笙即唐樂圖所傳十七管之笙通黃鐘二均聲清樂用之宋史樂志范鎮曰八音無匏土二音笙竽以木斗攢竹而以匏裹之是無匏音也塤器以木為之是無土音也通典今笙竽以木代匏而漆之愈於匏荆梁之南尚存古制

新修曲沃縣志

卷之十

物產

一二十五

果屬

桃 李 梅 杏 梨 柿絳山最廣 沙果

石榴 核桃 無花果 葡萄 銀杏一名白果邑林交村北門

內有一株周圍可棗出晉城者佳比他產加重投水則沉名四丈唐宋間物也 棗晉棗方域考曰城西多沃壤棗大如瓜又一種黑者類小柿名羊棗

木屬

松 栢 槐 樞 栲 榆 楸 桐

桑 楮 椿 柳 青楊 皂莢 冬青 槲棘

竹 有數種

花屬

牡丹 芍藥 石竹 金盞 鳳仙 玉蕊 玉簪 薔薇紅黃

二種 丁香 紫白二種 鳳翅 木槿 粉團 月季 迎春

探春 紫荊 蜀葵 山丹 蠟梅 茉莉紫粉黃 蘭

夾竹桃 海棠 有貼幹垂絲諸種又有秋海棠 繡毬花 蓮菊 水紅花即蓼

虞美人 剪秋羅紅白 夜合花 寶相 玫瑰 萵苣蓮

鷄冠

草屬

葛 蒿 萱 葦 荻 烟草 草名葉厚而味辣種出呂宋名淡巴菰明萬歷末有攜至漳泉

新修曲沃縣志

卷之十

物產

者馬氏造之曰淡肉果漸傳邊地皆啣長管而火點吞吐其氣味以禦寒却瘴後邊人多食有中其毒至死者奉禁最嚴崇正末復大盛宮掖民間男婦老少無不嗜好等家常食物出食物本草分甘餘話皆作烟草俗作菸舊志菸舊無此種鄉民張時英自閩中攜種植之明季兵燹踵至民窮財盡賴此頗有起色今則邑民大食其利矣通志晉人種烟草汾代

昉於曲沃 艾 苜蓿 藪

藥屬

猪苓 連翹 遠志 蒼朮 紫葳 牽牛

柴胡 黃芩 防風 瞿麥即石竹花苗 荊芥

葶藶 紫蘇 知母 薄荷 香附 枸杞

益母 半夏 靡草 茅香 地骨皮

車前子 桑寄生 金銀花 葦麻子 桑白皮 蛇床子

牛蒡子 酸棗仁 穀精草 欵冬花 郁李仁 如意草

寒水石 芫花 茵陳 出臺駘廟旁者佳

羽屬

鷄 鵝 鴨 鴉 鴿 燕

鴉 雁 鷓 雀 喜鵲 鸛鶉

黃鶯 啄木 布穀 班鳩 練雀 鷹

鷺鷥 鴝鶲 鴉

毛屬

新修曲沃縣志 卷之十 物產 二十七

馬 羸 驢 牛 猪 羊

犬 猫 兔 狐 狼 狸

獾 鼠 有數種

鱗屬

鯉 鯽 鱸 鮎 金魚

介屬

螃蟹 螺 蟹

虫屬

守宮 螳螂 蠹魚 壁錢 蛸蠹 蜘蛛

螺贏

蠶

蟬

螻

蟋蟀

蝦蟇

蚓

蝸牛

蜂

論曰古者太史陳詩以觀民風而禹貢紀山川土田亦及物產此志書之所權輿欲王者周知乎利病而因以施教也曲沃一邑衣冠文物之盛甲於他邦昔人謂唐魏勤儉亦祇據左氏內傳季札觀樂一節言其大略而說詩者又從而附會之今則被服侈紃綺尚有葛屨以履霜者乎食飲窮珍錯尚有采莫於沮洳者乎牽車服賈遠遊異鄉尚有陟岵岵以念父母者乎若夫物力之盈虛視年歲之豐儉人力之勤惰我

新修曲沃縣志

卷之十

物產

一二十八

朝所寶惟民不尚異物于闐之玉等於砮砮吳越之綾羅被乎下賤節其太過而示之以制因其所利而留爲有餘嗟乎國奢示儉國儉示禮禁鄭人之侈泰奚必三年變雒邑之矜夸無煩三紀有世道之責者所當防之於早已